

Kalendari i lutjes NGRITJA E KAMPIONËVE – DHJETOR 2023

1. Të gjithë – Disa njerëz priren të mendojnë se për aq kohë sa ata nuk qëndrojnë para njerëzve për të predikuar ose nuk udhëtojnë përtej deteve si misionar atëherë nuk mund të bëjnë shumë për Zotin. Por, në fakt ata e kanë gabim. Falemnderit Zotit që të gjithë mund të punojnë në vreshtin e Zotit në një mënyrë apo në një tjetër. (Fil. 4:13)

2. E gjithë lavdia për Perëndinë – Ati ynë qiellor shpesh përdor atë që ne e konsiderojmë të pavlerë ose pak vlerë. Duke vepruar kështu, Ai na tregon sërish dhe sërish që Ai është pas çdo arritje që ne mund të kemi. Falemnderit Zotit që Ai në një mënyrë apo në një tjetër, do t'ju përdorë ju t'i sillni lavdi emrit të Tij. (Ps. 115:1)

3. Një zotëri i mirë – T'i shërbejmë Zotit tonë nuk është një barrë. Gjithçka që Ai do prej jush është bindja ndaj Fjalës së Tij dhe që ti të jesh i disponueshëm kur Ai të jep ty mundësinë për të qenë një ambasador i Tij. (2 Tim. 4:2)

4. Errësirë – Më shumë se 7,000 grope etnike me 3 miliardë njerëz, janë ende duke jetuar në errësirë shpirtërore. Askush deri tani nuk u ka treguar atyre për Jezusin, dritën e botës. Lutuni që Perëndia do t'ju tregojë si të sillni ndryshim për një nga këto grupe njerëzish. (Mat. 28:19)

5. I gjallë për Perëndinë – “I dashur Zot, falemnderit që më tregon se kur Krishti vdiq në kryq, unë vdiqa me Të. Krishti mundi Satanin në kryq. Prandaj, nga momenti i pranimit të Krishtit, Satani – burimi i mëkatit – u largua nga jeta ime. Falemnderit që mund ta llogaris veten time të vdekur ndaj mëkatit dhe të gjallë për Perëndinë!” (Rom. 6:10,11)

6. Lavdia e kryqit – “Oh Zot, falemnderit që përmes punës së kryqit personi i vjetër që isha në Adamin vdiq dhe shkoi. Unë vdiqa me Krishtin; nuk jam më në këtë botë. Krishti është burimi i jetës time. Prandaj, gjërat e kësaj bote nuk kanë më fuqi mbi mua. Lavdi Perëndisë, që jam kryqëzuar me Krishtin.” (Gal. 6:14)

7. I vdekur për mishin – “I dashur Zot, e kuptoj se për shkak se dhashë veten për Krishtin, tani i përkas Atij. Ai më ndryshoi në një krijesë të re me dëshira të reja. Për shkak se u kryqëzova me Krishtin nuk jam më në mish; por jam në Frymë. Frymë e Shenjtë të besoj Ty të drejtosh dëshirat dhe të kontrollosh orekset e mia.” (Gal. 5:24)

8. Fuqia për të jetuar – “Oh Zot, të falënderoj që më kujton përmes çdo dështimi dhe gabimi se mishi im është i dobët. Trupi im është thjesht një enë tokësore. Pavarisht të gjitha talenteve dhe aftësive jam ende i pafuqishëm të jetoj jetën me bollëk dhe fitimtare. Zot Jezus, më trego si ta prek këtë thesar të lavdishëm të Krishtit brenda meje.” (2 Kor. 4:7)

9. Vërtet të lirë – “Zot Jezus, falemnderit që më ke liruar përmes vdekjes tënde në kryq. Ti më bërë të lirë në mënyrë që unë të jetoj i lirë. Jo vetëm që jam i lirë nga zotërimi i Satanit, por unë gjithashtu jam i lirë të eci në risinë e jetës. Prandaj më ndihmo të jetoj një jetë të perëndishme në Krishtin Jezus, Zotin tim. Haleluja. Jam vërtet i lirë!” (Gal. 5:1)

10. Betimi i martesës – Martesa është një besëlidhje para Zotit, një marrëveshje që zgjat gjatë gjithë jetës. “Do të plotësoj zotimet e mia ndaj Zotit në prani të të gjithë popullit të tij.” (Ps. 116:14) Lutuni që burrat t’i mbajnë zotimet ndaj grave në tyre në këtë mënyrë të nderojnë Zotin, Perëndinë e tyre!

11. Trashëgimi – Si etër, ne mund t’u themi fëmijëve tanë dhe burrave rreth nesh atë që Davidi i tha Solomonit: “tregohu i fortë dhe sillu si burrë! Respekto urdhrat e Zotit, Perëndisë tënd, duke ecur në rrugët e tij, duke zbatuar në praktikë statutet e tij, urdhërimet e tij, dekretet e tij dhe porositë e tij.” (1 Kings 2:2,3) Zot, të lutem ngri një brez burrash besnik ndaj Fjalës Tënde!

12. Kontrast – Kultura ka një efekt mpirës tek njerëzit. Jeta shpirtërore e burrave mpihet nga shumë oferta dhe tundime. “Zgjohu, ti që fle, dhe ringjallu prej së vdekurish, dhe Krishti do të shndrisë mbi ty” (Efes. 5:14). Dëgjo thirrjen! Kërkoji Zotit për prezencën e gjallë të Krishtit që të jetë drita jote në mes të një bote të errët.

13. Vetëm – Si burrë i krishterë ti mund të ndihesh i vetëm në kulturën tënde. I ndodhi Elias kur ai u përball me një mbret jo të perëndishëm. Por, Zoti kishte ruajtur mijëra të tjerë që nuk ishin përrulur para zotërve të tjerë (1 Mbretërve 19:18). Falënderoni Zotin për prezencën e Frymës së Tij në ju dhe për burrat që Ai ngre sot si dëshmitarët e Tij.

14. Pa u lëkundur- Joshja ndaj tundimit është shumë e fortë. Shumë vetë po lejojnë që martesat e tyre të thyhen, edukimi i fëmijëve të kalojë në vend të dytë, të heqin dorë nga luftimi i varësive dhe mëkatit. Zoti paralajmëron: “Ji besnik deri në vdekjen” (Zbl. 2:10b). Prandaj burra mos u dorëzoni. Ia vlen të luftojmë!

15. Shkurt dhe saktë – “Por kur ju luteni, mos përdorni përsëritje të kota siç bëjnë paganët, sepse Ati juaj i di gjërat për të cilat keni nevojë, para se ju t’i kërkonit” (Mat. 6:7,8). Le të inkurajojmë njëri-tjetrin në miqësinë tonë në lutje përmes lutjeve të shkurta dhe të sakta.

16. Falënderime dhe lavdërime – “Beko, shpirti im, Zotin dhe mos harro asnjë nga të mirat që ka bërë” (Ps. 103:2). Lavdërimi e mban fokusin tonë tek Zoti dhe falënderimi i mbush zemrat tona me gëzim. Në çfarëdo rrethane, besoni se Zoti është i aftë të bëjë më shumë se mund t’i kërkonit. Nderojeni Atë me besimin tuaj.

17. I bekuar me shumicë – “Sepse ai që nuk e kurseu Birin e vet, por e dha për të gjithë ne, qysh nuk do të na dhurojë të gjitha gjëra bashkë me të?” (Rom. 8:32) Falënderoni Zotin për dhuratën e tij të papërshkrueshme dhe bëhuni gati ta ndani atë me të tjerët.

18. Jepni ndihmë – “Dhe mos harroni bamirësinë dhe t’u jepni ndihmë të tjerëve, sepse Perëndisë i pëlqejnë flijime të tilla” (Heb. 13:16). Ndërsa e lejojmë dashurinë e Zotit të mbushë zemrat dhe mendjat tona, ne fillojmë t’i shohim të tjerët me sytë e Tij. Në këtë mënyrë ne do të jemi në gjendje të përmbushim urdhërimin e tij për t’i dashur të tjerët si veten dhe të ndajmë bujarisht bekimet e Tij.

19. Besnikëria – “Por Zoti është besnik, dhe ai do t’ju forcojë dhe do t’ju ruajë nga i ligu” (2 Thes. 3:3). Për shkak të besnikërisë së Zotit ndaj nesh, ne jemi të aftë në çdo situatë të jemi besnikë ndaj bashkëshorteve tona dhe si rrjedhojë të bekojmë brezin tjetër.

20. Ji një misionar – Falëndero Zotin për mundësinë për të marrë pjesë në botën e misionit. Disa kapërcejnë detra për të shkuar misionarë, të tjerë mbështesin organizatat misionare dhe secili mund të lutet që mbretëria e Perëndisë të vijë dhe të jetë një dëshmi për Krishtin. (Mat. 6:9-10)

21. Mundësitë – “Ecni me urti ndaj të jashtëmëve duke shfrytëzuar kohën.” (Kol. 4:5). Lutuni që do të jeni të ndërgjegjshëm për mundësitë që Zoti ju jep për t’i sjellë njerëzit e tjerë më afër Tij dhe lutuni për kurajo që të shfrytëzoni çdo mundësi për të ndarë ungjillin.

22. Transmetojeni – Si një ndjekës i Jezusit ty të është premtuar jetë e përhjetshme bashkë me Të. Falënderoje Atë që ti tani ke Lajmin e Mirë për ta jetuar vetë dhe për ta transmetuar edhe tek të tjerët. Ti je një shtegëtar rrugës për në shtëpi. Shfrytëzo çdo mundësi dhe fto të tjerët të bashkohen me ty në rrugën drejt qiellit. (1 Gjonit 1:3)

23. Qëndroni afër – Jezusi na premtoi se do na jepte ujë të gjallë. Nëse kërkon lumturi diku tjetër, një ditë do të zbulosh se ti ke pirë nga çisterna të thyera që nuk mund të mbajnë ujë. (Jer.2:13). Lutuni që Zoti do t’ju ndihmojë gjithmonë të qëndroni afër Atij dhe të mbështeteni tek Ai.

24. Nuk ka vend – “Për shkak se nuk kishte vend për ta në han” (Luka 2:7). Thjesht e pabesueshme! Krijuesi i universit vendosi të hynte në botë si një qytetar i një shtrese të dytë. Krishti lindi në mes të thjeshtësisë dhe anonimitetit. Zot më ndihmo të kuptoj dhe kërkoj vlerat që vërtet kanë rëndësi në sytë e Tu.

25. Terrori i Zotit – “Dhe ja, një engjëll i Zotit iu paraqit atyre dhe lavdia e Zotit shkëlqeu rreth tyre e ata i zuri një frikë e madhe.” (Luka 2:9). Barinjtë në fillim u shokuan nga lavdia e Zotit, por më vonë ata gjetën Shpëtimtarin, dhe përhapën lajmin e mirë. Zot, më mëso sërish frikën e Zotit dhe pastaj më bëj një lajmëtar të shpëtimit tënd.

26. Zoti caktoi – “Lavdi Perëndisë në vendet më të larta, dhe paqe mbi tokë njerëzve mbi të cilët qëndron mirëdashja e tij” (Luka 2:14). Shkrimi na thotë se plani i Perëndisë u caktua nga përjetësia. Sot, Ai fton këdo përmes Frymës së Shenjtë të kërkojë Atë. Zot, të lutem më bëj një burrë që të sjell ty lavdi dhe një burrë mbi të cilin favori yt qëndron.

27. I drejtë dhe i përshpirtshëm – “Dhe ja, në Jeruzalem ishte një njeri që quhej Simeon; Ky njeri ishte i drejtë dhe i përshpirtshëm.” (Luka 2:25). Zoti përfshin burra që janë të nënshtruar Atij dhe që kërkojnë së pari mbretërinë e Perëndisë. Zot, më ndihmo të dalloj atë që është e drejtë në sytë e Tu dhe më jep vullnet për ta bërë.

28. Një shpatë për paqe – “një shpatë do të ta tejshpojë shpirtin, që të zbulohen mendimet e shumë zemrave” (Luka 2:35). Perëndia dërgoi Birin e Tij për të shpenguar botën nga fuqia e Satanit, mëkatit dhe vdekjes së Tij zëvendësuese në kryq. Maria ndjeu dhimbje torturuese të asaj shpate në një mënyrë unike. Zot, faleminderit që më ke shpenguar edhe mua!

29. Shtëpia e Atit – “A nuk e dinit se më duhet të merrem me punët e Atit tim?” (Luka 2:49) Jezusi e dinte misionin e Tij dhe ndërsa u tundua në çdo gjë si ne, Ai nuk mëkatoi. Që herët, Ai zgjodhi t’i nënshtrohej plotësisht Atit të Tij. Në të njëjtën mënyrë dishepujve të Krishtit u kërkohet të jetojnë për Të. (Gjon 6:57) Zot, të lutem më bëj një burrë që jeton për ty!

30. Rritje e balancuar– “Dhe Jezusi rritej në dituri, në shtat dhe në hir përpara Perëndisë dhe njerëzve.” (Luka 2:52). Zoti themeloi procesin e rritjes në natyrë. Ai ka një kohë dhe një mënyrë për gjithçka. Rezultati i procesit shpirtëror të balancuar është të duash Zotin dhe të duash njerëzit. Zot, më ndihmo të rritem dhe të bëhem një burrë përmes të cilit Ti të duash familjen dhe fqinjët e mi.

31. Duke përgatitur rrugën – “Ja zëri i njërit që bërtet në shkretirë: Përgatitni udhën e Zotit, drejtoni shtigjet e tij” (Luka 3:4). Në ardhjen e Tij, Gjon Pagëzori shpalli Mesian. Sot, kushdo që me anë të besimit pranon Jezusin si Shpëtimtar të Tij ai thirret që të shpallë ungjillin. Zot, më ndihmo të lutem në vitin e ardhshëm të jem një dëshmitar besnik për ty.